

卷三十一

神道碑銘三首
連上共碑銘六

卷三十二

墓誌銘四首



梅村集 下

匏

梅村集卷第三十一

神道碑銘二

少保大學士王文通公神道碑銘

順治十六年二月丁卯

上以故大學士王公守都察院左副都御史卒於其位爲之震悼而贈謚祭葬褒終之典畢備且命書其勳德於墓道之碑曰以昭朕篤念舊輔之意於永永勿忘其長子明德繕疏以謝退而屬偉業爲之辭偉業震恐曰紀事臣職也未有承制而用

梅村集三十一

神道碑銘

草莽固陋褻王章而私令甲禮之所不敢出也

明德固以請曰

上命卽其家伐石樹表而螭首未有刻文匪惟抑没先人將以隕越鉅典不共是懼吾子其謂之何偉業旣辭不獲命謹按故光祿大夫左副都御史贈少保兼太子太保吏部尚書謚文通王公諱永吉字脩之一字鐵山揚州高郵人也其先世徙自毘陵曾大父諱木大父諱煥父諱自學皆以公貴贈少保妣皆贈夫人公生而瓌異長身脩髯



武材略由進士起家再爲縣令於大田於仁和一
爲推官於饒州咸著異政從戶部郎備通州兵事
有威名遂推以巡撫山東未一歲改薊門總督其
時流寇已隳突河華滔天阻兵羣孽扇行所在蟻
結燕齊雲朔魚爛土崩公受賑於倉卒之時投袂
在敗亡之日猶能輯寧東夏擁護巖關障遏奔衝
叫呼指柱旣而有謀不用勢竟莫支變服閒行投
死無二忠著於前史事隔於典運故不得備書其
初入

梅村集三十一

神道碑銘

本朝一見授大理卿守法律持大體以刑不上大
夫請郎吏之謫罰者得以贖論晉工侍郎用疏辭
報罷再起戶侍郎上封事十條於蘆政馬草尤中
肯綮又陳投充五大害謂其上干國法下失人心
慷慨切至報可施行尋擢兵部尚書賑饑真定卽
道上拜都察院左都御史未至 召入爲秘書院
大學士其在兵部也絕請謁以嚴選格飭訓令以
定兵制俛俛克舉其職且念土寇用反律而閭左
剽劫不得與同科卽收考宜下刑曹非所司所當

置獄其有無辜連染者請出之以息冤濫真定爲
州縣三十有二凶災延蔓數百餘里公以
上賑卹恩甚厚不可委屬城長吏倍道兼馳所過
人人慰勞老幼滿於車下興發成於手中得調度
之宜有賙救之實又以其間訪官吏良猾風俗利
病爲書奏之

上久知公忠勤任事故有以大用公也公居平糶
寧江南漕弊京通是其根株非大釐革不足與更
始會緣兵部前事從內院出奪一官視通州倉公

梅村集三十一

神道碑銘

初不以左降有所弛易受 命立馳至潞河訶輓
卒以何不前對曰爲紅船紅船者楊村淤淺轉運
之船也具得其稽索侵牟狀公笑曰吾分爲三番
遞運則弊不得行矣已而果然嘗夜宿通惠河傳
籌發運艘危坐難兩巨燭手漢書一冊風雪繞其
鬚髯達旦不寢人望之曰高郵公真勞臣也明年

召入爲國史院大學士管吏部尚書事

上時御南苑手脫所服 冠以賜面 命之公頓
首出坐堂上進其屬問曰新舊人以名第需次者

幾何人曰千人矣椽史之以年勞在冊者幾何人
曰倍之矣問其循序爲注補曰員缺之汰也資歷
之有不相當也卽如有十年之人而不得官也
問其設法爲疏通曰叅罰之多也開復之不易也
卽如有十年之官而不得遷也公太息起曰是
安用我主爵者爲乃舉職掌所當釐正者分爲二
十疏杜門請假繕寫十日而始成奏旣上見者咸
服其精切蓋公天性彊于吏職能斷大事處之不
疑以吏部用人爲天下安危治亂之本上以協恭

梅村集三十一

神道碑銘
四

同事外以厭伏羣情綱紀畢張苞苴抑絕卽下至
流品勾稽年贏月縮銓除移駁甲是乙非他人視
之叢蒼紛糾頭目眩曠者無不吐決如流笑譚不
倦而公亦自此漸以病矣公病而尚方賜藥物
趣累詔不得已復出出而坐兄子科塲事責授
太常少卿未幾卽進左副都御史有意復嚮用之
而公竟病不起嗚呼斯可謂出身爲物以死勤事
之君子已公亦奚憾矣哉其或有不量公者曰古
稱得士可以後亡公之初節不可爲不用也何以

不能挽橫流救未造乎是不然山東亡命盜起如
龍山滄浪淵諸賊天下之巨猾也公以一節挑三
百騎未浹月而收縛散遣之殆盡亦足以見其略
矣京師倚邊腹建牙爲犄角舊制額兵十萬有無
尚不能支乃抽調潰亡之後不復能軍廷議遂裁
一督師一保督三巡撫二巡治六鎮帥而獨留勦
督一官以任公子之以各路零星收拾之罷卒又
闕其一年之餉而以當駸駸渡河百萬方張之流
寇撩猛虎以空拳救燎原于杯水尚謂公力獨能
辦之然乎否乎撤寧前併山海以爲楮梧根本之
計此何等時也謀國者狐疑相杖公爭之數月猶
不見從賊大同圍悉而後遣之故公以單騎十日
盡發關寧勁旅顛沛勤王去京師二百里而已無
所及若夫公之南還也柄臣不過資其空名而未
嘗假之實力然猶拒准不可蹈海何之走單舸於
颶風鰲浪之中幾至觸石橫流妻孥破沒而後束
身歸命嗟乎世之不量公者固失之矣彼謂智者
覩危知變轉敗爲功又豈所以知公也哉羈旅登

朝非勳非舊遽受客卿之禮驟立羣僚之上苟
非盡瘁竭誠何以報恩塞責又自悼推遷興毀耻
以其餘生倖富貴庶幾乘機構會殫未死之力以
救濟元元是以出入數年焦形極敝此固公之自
待如此而其用心良已苦矣才大則磨斲自多名
高而牴牾亦甚公於是乎術輔其資道全其用有
寬厚愛人之德而議獄不厭其深詳有變通宜民
之方而守官必主於繩墨其意在別嫌疑隨隱伏
絕賓客棄親知取一切以自立於無過然後可以
煎之勢靡事不爲繼之以死維

梅村集三十一

神道碑銘
六

保持善類調護艱難負方圓並畫之才逼膏火自
當宁以馭騏驥者利其銜策擇棟梁者善其斧斤
顛倒詘信妙於駕御而勞臣中壽奪我股肱宜乎
手詔爲之驚嗟而拊髀加之痛惜也偉業辱與
公游每見其酒酣脫帽顧盼風生詠啁譁笑而語
不及私簡易威儀而望之增悚輒驚以爲莫能測
識及往問公疾公自言昔年經虎口葬魚腹瀕於
死者數矣

主上待我厚今犬馬氣衰便恐無緣酬答不覺涕泗橫流故今日執筆表公心事以告萬世其使王氏子孫知

朝廷所以保全先臣蹈戴無極而後人之過此者得此碑於苔侵石泐之餘摩挲捫讀論公之心而參攷於紀載必有爲之彷徨而愾嘆者斯於公亦可無負也已公生卒皆以己亥葬于其鄉之踣蹠山而鄒趙兩夫人以 詔祔子七人孫六人餘在誌傳中公嘗刲股肉以療親居喪稱死孝而高郵大水捍災患有功皆其大節不可不紀嗚呼觀公於此二者則其爲

梅村集三十一

神道碑銘

君國以不有其身又可得而知也爲之銘曰

於赫三事徽音不顯允文允武王臣蹇蹇迺告圻父曰予腹心乃陟上宰左右一人錫之天閑爾亦千里駕我日車掉鞅不已維玉及瑤垂帶以朝耀首有飾翠帽豐貂雲臺是圖憂公見貌于思于思遇天一笑亥有二首辰在降婁害于股肱箕尾以游追命舊勞大書深刻史臣作歌爰紀衮職淮水

方濟我公障之高城無恙我公相之下茲墨食公
其來思穹碑截截宰樹參差後千百年視此銘詩

世祖皇帝御極之十年兵部右侍郎張公鼎廷夙
夜左右執事有恪

上聞其勤勞加恩賜金幣馳傳歸里公卿祖道於
長安門外都人以為榮又六年公以病卒於永寧
之故第其子克州太史給事中璿泣而

言曰維我

國家天

梅村集三十一

神道碑銘

大水程

石功

可不紀嗚呼

於此二者

君國以不有其身

於赫三事徽音不顯允文允武王臣蹇蹇迺告

文曰予腹心乃陟上宰左右一人錫之天開爾亦

千里駕我日中掉鞅不已維玉及璠垂帶以朝

首有飾翠帽豐貂雲臺是圖愛公見貌于思于思

其來思穹

其來思穹

通議大夫兵部右侍郎永寧玉調張公神道
碑銘

世祖皇帝御極之十年兵部右侍郎張公鼎延夙
夜左右執事有恪
上憫其勤勞加恩賜金幣馳傳歸里公卿祖道於
長安門外都人以爲榮又六年公以病卒於永寧
之故第其子兗州太守瑄吏科都給事中璿泣而
言曰維我

國家天造之初卿貳大僚不敢遽以骸骨爲請有

梅村集三十一

神道碑銘
九

年至致事者輒留宿衛奉朝請於京師其蒙恩
予告有之自先臣始是不可以莫之紀也又三年
兗州服闋補淮安守而命偉業書公墓隧之碑謹
按張氏陝西同州人始祖仲文避兵徙洛之永寧
仲文以下六世諱士益緣其子中丞公貴得封中
丞公諱論仕至四川巡撫都御史以元配段夫人
生公公舉萬曆壬戌進士起家行人考選兵科劾
兵尚書霍維華以罪廷諍惠安伯張慶臻賄改勅
書及宣大總督張曉巡撫張三杰失事狀所言皆

施行當時推其讜直陞兵科都給事中在明季啟
禎之世蘭州土司奢崇明反連結水西中丞初按
蜀繼受任滇撫克遂前功先後收復四十七城拓
地二千里五峰山桃紅壩之捷馘其渠魁叩符蕩
定論功爲西南第一方中丞歸自按蜀以清卿居
里負知兵名而公被擢在省垣將吏勇怯軍機進
止皆其職所當執奏每在直中夜治文書參密畫
旬日不敢洗沐其効張慶臻也 上怒慶臻勳舊
掌京營行金主書竄易詔草文華召對事連長山

梅村集三十一

神道碑銘

相劉公鴻訓劉賢相其曲意慶臻有端受取事未
得考實公雖斜擿慶臻無所避終不欲傳 上怒
致大臣辟故與御史吳玉持論並劄正而公微爲
持平在廷服其知國體後於平臺數被引見敷奏
詳敏 上以爲能眷遇寔隆以中丞撫蜀子例不
得居諫職請避歸忌者撫其里居事蜚語聞左官
薄謫而中丞亦功成納節矣流寇之渡河而南也
首陷澠池盧氏次及永寧永山城不修曠盜亦動
邑無真令民皆搖心中丞卽巴渝之舊部邊宛雒

之嚴衝誓衆登陣捐金犒士天寒露止離風雪皸
瘵之患城全身瘁屬疾不起公時已從行人司副
再遷爲南京吏部驗封司郎中職事修舉駸駸且
復嚮用旣奔喪成服伏闕上書曰臣父出定蠻方
還扞鄉里戮力兵間致於僵仆惟 主上念葛亮
之渡瀘以勞定國憐子囊之城郢沒不忘君庶俾
先臣死骨不朽 上省章嫌其稱譽過實下所司
按覈竟坐免官或以爲用事者因微文修舊郤非
盡出於 上意也監軍道湯開遠好直諫嘗追訟

梅村集三十一

神道碑銘
十一

公曰永寧鄉紳張論以死勤事不蒙優錄并其子
錮之熊耳以西塢壁以百數有不聞之解體乎閱
七年李自成再起中州先破宜陽永寧而雒陽遂
至不守公流離中條上形勢請於宜永之交如韓
城三鄉者宿重兵守要害山道阨陜可以隘其吭
而弗出且曰臣爲親受譴不獲復奉闕廷敢因耳
目所及一陳滅賊之策永填溝壑終無所恨 上
亦韙之然竟弗召也嘗憤中樞失策流涕告所知
曰嵩山綿亘三百里宜永當適中之地永有東西

二嶠之固尤足設險賊之出入秦豫磐乎穿穴於其中始先人守永卽所以守雒守雒卽所以守中原當時不圖其功覆用爲罪由民憤歎人無鬪志賊勢披猖未必不繇於此嗟乎吾父子功罪已矣如國事何哉當自成破永公守南城事急主僕匿於埒井賊燭以炬弗見投之以石弗傷越兩日有一嫗來汲僕謀於公緣綆先上方及暮賊攜刃者至將加害嫗給言吾子也遂脫脫已嫗忽不見僕傳語其儕篝火井旁號公出之歸於溪源寨五日

梅村集三十一

神道碑銘

中夜心動跨驢急行天明而跡者至報曰已去乃免公有井異記著其事文多不載公之免也宗人多死兩子幸無恙避地河北懷縣間行歸營中丞窀穸於故山中賊騎充斥公晝伏林莽夜穿窀穸葬畢仰天慟曰孤子自此可無憾矣汴梁之急也公建議秦兵雖奉詔來救賊銳甚未可爭鋒可駐師鞏縣扼虎牢之險爲持久及孫傳廷敗於柿園歸秦掃衆復出關自謂必勝公獨貽書戒勿輕敵宜修復雒陽進戰退守出萬全之計迺吾謀適弗

用而明亦已亡矣兩河並覆郡邑受僞署誅鋤大
姓搜牢金帛公子弟被執彭考惴惴宗族之弗全
會 本朝受命大庇生民百度維新九品式叙公
用薦徵拜吏部驗封司郎中由驗封改考功管大
計是時天下新定長吏丞尉軍中以便宜除拜皆
白版假守年勞治行椽史輒去其籍莫得勾稽公
據典章覈流品浮僞必黜貪殘必懲奏免干有餘
人銓格以正甲戌分校禮闈所得士有至公輔者
累資晉太僕少卿換大理尋爲正陟侍郎於工部

梅村集三十一

神道碑銘
十三

爲左於刑部兵部爲右階通奉大夫再進秩一等
禮遇視六卿蓋異數也其在大理刪部也屢決大
獄亭疑奏讞依於仁恕仍抗章舉正職業申嚴律
令不爲煩苛大者定僕區之法寬株送之條盛夏
請解出繫囚桀黠民妄指莊田詭勢自墮者必正
其欺謾至今奉爲絜令焉公爲人曉習文法在事
勤力鮮所回隱同列或語以受任日淺宜引嫌避
可否公益擲出涕曰某遭本鄉傾覆生類殄盡楚

攜細弱歸命

聖朝出虎口攀龍鱗際風雲脫湯火若不能出身
自効裨益萬分何以見陳許汝潁之士乎其居心
盡節如此中丞有別墅在金門山所產篔簹篠簞
埒於江陵之橘成都之桑公之謝政歸田疇廬舍
次第整比於其間立家廟設義莊以尊祖收族暇
則偕鎖少參諸公爲阡陌之游作五老圖自爲文
記之有勸之復出者笑弗應二子中外並歷顯仕
垂組揭節歸拜公於德里公與廉夫人慨然太息
曰吾出胥井之中上見烽火接天下見積屍撐距
當此時未識軀命所在詎意今日骨肉復完嗚嚶
夾道上先人之丘隴哉語曰知足不辱

梅村集三十一

神道碑銘
十四

聖主之優老臣恩不可以忘也公兄弟三人季曰
世延夫婦死于兵公撫其二孤城墮有恩紀廉夫
人視遇如所生人以爲難夫人事公母段太君以
孝內治肅飭先於公二年以沒公字慎之別字玉
調有文集二十餘卷墓在豐原之墟以廉夫人祔
子三人長琯次璿也季取殤女三人孫男一挺之
孫女一餘詳在墓誌偉業聞活千人者必有封中

丞之討蘭州與水西也不多殺戮以侈首功不附
宦寺以趣賞率鬻人棘部可撫者撫之巴童竇女
無歸者歸之其仁恩結於蜀人猶宋之有張益州
焉黃巾禍亂食祿之家多見屠滅張氏子孫獨完
受其福嗚呼上下三十餘年觀公父子之際亦可
以知天道矣初偉業之識淮安君於浙也因吾友
張黃門救菴以定交繼在京師得交吏垣君距今
十有餘年矣淮安友道敦篤契分特深熟聞公家
世行歷言之庶足攷信茲以揭德樹旣爲屬容敢

梅村集三十一

神道碑銘
十五

用不文辭謹掇拾大者著之如右而系之以詩曰
金門之竹有琅有玕上捎白雲下拂青鸞于焉宴
衍于焉考槃河水漣漪二嶠噴吮 篤生中丞功
著西土紹啓我公主闕是補諤諤在廷不茹不吐
亂之始生載禦其侮 幡幡黃髮有勞實多覆曰
僭慝讒口則那心之憂矣涕泣滂沱人亦有言我
罪伊何 洛之竭矣乃穿我墉井之冽矣乃逃我
躬誰其擠之我是用惡誰其拯之使我心惻 亂
其有定天降厥祐 王師徂征生民乃救

帝思耆德召置左右豈不懷歸竭蹶恐後 乃亞

司空乃貳司馬

世序自來龍圖閣直學士少

帝曰汝勞錫之休假錦綺于純黃金百冶公拜稽
首歸永之野 飲此旨酒瞻望北邙哀我人斯何
辜流亡愁余一老歸焉永臧蒼蒼者天矢諸弗忘
子伐彼篔簹爰作笙簫嘒嘒管聲薦我蘋藻凡爾
子孫不遐有詔神之聽之王祝致告維厥祖是
承維先公是行維鼎及彝刻茲令名如嵩與少不
喬不崩後千百年家以永存

梅村集三十一

神道碑銘

本據武公教資翰墨又應檢蓋令奇峻端與少不
泐泐不泐亦端翰墨之奇輝煌古篇難泐脈長
著姓遊覽壽矣升筆難豐期常帶讀楚蕪蕪水爾
龍池亦猶余一老韓語永艱蒼蒼者天矢諸弗忘
帝曰汝勞錫之休假錦綺于純黃金百冶公拜稽
首歸永之野 飲此旨酒瞻望北邙哀我人斯何
辜流亡愁余一老歸焉永臧蒼蒼者天矢諸弗忘
子伐彼篔簹爰作笙簫嘒嘒管聲薦我蘋藻凡爾
子孫不遐有詔神之聽之王祝致告維厥祖是
承維先公是行維鼎及彝刻茲令名如嵩與少不
喬不崩後千百年家以永存

帝思耆德召置左右豈不懷歸竭蹶恐後

乃亞

封中憲大夫按察司副使秦公神道碑銘

惟無錫秦氏遠有世序自宋龍圖閣直學士少游公十八世爲明少保南京兵部尚書鳳山公謚端敏端敏之仲子姚安守諱沐沐生邑文學諱楷楷生湯溪令諱延默湯溪以吳孺人生府君諱重采字幼儀用子貴初封編修再封中憲大夫按察司副使元配華恭人生三子吾友補念舉乙未禮闈第一臚傳賜及第歷今官府君之冢嗣也邇 國家天造之初遭風雲致公輔者多在大河以北我

梅村集三十一

神道碑銘

東南之人由制科進者先後衰然爲舉首然及其親之存者不過一二人而已當補念之首南宮薦也族子對巖太史名在其亞人咸謂世德所致且曰此兩人皆有親是時

天子幸南苑親近儒臣數召問其父母幾何歲兄若弟幾何人補念進見 便殿 賜衣侍宴

上慰勞之者尤渥府君從其家貽書教誠補念出以示其同官余從班行中具聞之又五年

上擇侍從諸臣之才者試之以民事補念乃遷爲

監司爲臬長於浙西江右府君一再就養於郡中
兩地士民間其緒言退而攷其長之行事皆謂曰
信府君沒凡所以昭德焯聞者有狀有誄有幽堂
之銘補念偕其弟屬偉業書其墓碑余旣辭不獲
命則請書其孝友敦睦者曰君少孤說髦就位辟
踊如成人母病籲天減已算以代母喪在殯火作
搏顙號呼融風爲之反伯兄有倍年之長旦晡問
起居細大必諮請待報兄中歲多故諍訟則相救
繇役則相助誅求則電勉中分之疾病手自扶持

梅村集三十一

神恩碑銘
十八

口嘗藥以進居兄喪哀毀過禮上自世父下逮諸
子旁及於姑姊甥舅其事長也肅而和慈勿也柔
而正收族也信而睦一門中外貧者取給焉弱者
取力焉怨者取平焉先君之師資執友平生之同
學故人德施罔弗報也患難罔不恤也宗人之占
籍宅邑者逋賦株累不忍別白以移之禍也書其
莊敬樂易者曰衣再浣食二簋而祭祀宴享必潔
必豐飭儉從絕于謁而公正是非不阿不撓稱心
直言忘形徒步無畦岸無齟齬無鈞距無町畦早

罷其公車義好爲小詞間出於博奕漫戲晚年善
病昇小輿以節勞觀引滿以當醉油油然落落然
也最君生平其闔門投轄留賓泥飲似陳孟公老
疾俱至興懷名山似宗少文預終制營生曠歌呼
其旁飾巾待盡似趙邠卿司空表聖雖然府君之
可書者盡於此乎予於秦氏同官也得備徵所聞
可書其細不書其大耶補念之在侍從也君以一
儒者扼腕時事見奏對務依於深刻歎曰堯舜在
上奈何稱說申韓補念之位執憲也前後多所平

梅村集三十一

神道碑銘
十九

反用仁愛寬恕以爲治有勸之立威嚴者君慨然
曰吾父令湯溪清前宰帑金之獄全活者衆家門
食報未必不繇於此吾子幸備官可誅殺立威名
乎潯陽將以事方卽訊聞君至操百鎰逆諸塗君
正色叱之曰若直安所事行金曲則安可以私故
發大法若此者君之居心持已補念之泄政服官
徵諸家乘有裨國故所以致忠而養志者胥於是
乎在何可弗書書其卒生癸卯沒戊申僅過乎中
也書其葬去赴告之六閏月其地侍郎灣也以

華恭人從恭人蚤亡由安人以再受贈命其賢有德也具家傳故不書不勝書也書其子長江西按察使鉞卽補念也寅仲也鍊季也皆諸生孫八人曾孫三人孫以下何不名誌詳故碑可得而略也然則碑之所宜詳者尤在補念之孝乎孝經之言曰揚名安親名揚矣親不安不可謂之孝也往者翰林官俸入不足資所給輒寬其休假湯沐以便於定省今令甲獨否故有撥上第備近臣爲親者緣供億之闕憂其子爲子者爲門戶之艱念其親

梅村集三十一

神道碑銘

以地之遠而賦之急惟江南爲特甚古制寬大臣有請外宋之館閣雖直學士以上猶乞一郡以養父母

世祖之內外並任者實倣舊典責吏治兼體臣子以優其私竊聞補念之迎養也將車都亭扶攜垂白長老聚觀郡邑畢至余在同官中爲愾焉太息曰吾輩之事其親有一日之寵如秦君者乎故今日刻君之碑書吾友之孝而原本於君恩噫嘻此亦禮經意也爲之銘曰

奕奕淮海大放厥詞好是正直坎壈於時桓桓端
敏大顯丕績著定四方載諸典冊維君也文不有
其名維君也才不有其勳左絃右壺笑傲白雲永
懷二人孝思無忝因心則愛篤我天顯動莫若敬
居莫若儉講信修睦守道樂善帝曰鑒哉錫以圭
璧薦之明堂籍用瑤席乃登法從乃作牧伯祿養
鼎鍾休假浣滌趨庭義訓曰圖報國昔人所重惟
兵與刑尚書秉鉞撻伐蠻荆好生不殺著有令聞
今君之子執憲以正仁恕廉平全彼民命弗替引
之長保餘慶有墮者山有檻者泉春申谿澗泰伯
土田新阡曩吉卜云萬年爰作斯廟升歌鼓瑟我
牛我羊薦饗來格絃彼銘詩刻之樂石貽爾子孫

梅村集三十一

神道碑銘
二十一

對三人孝思無忝因心則愛篤我天顯動莫若敬
其合辨等事亦不有其勳左絃右壺笑傲白雲永
懷二人孝思無忝因心則愛篤我天顯動莫若敬
大顯丕績著定四方載諸典冊維君也文不有
其名維君也才不有其勳左絃右壺笑傲白雲永
懷二人孝思無忝因心則愛篤我天顯動莫若敬

梅村集卷第三十二

墓誌銘一

僉憲梁公西韓先生墓誌銘

偉業奉先大夫之喪在殯真定少宰梁公諱清遠
排纘其尊人僉憲西韓先生行事來告曰月日公
薨月日公葬納窆之石未有刻文以累子偉業爲
之噉然號曰西韓吾友也聞朋友之喪禮宜爲位
哭今惻惻苴經之中弗獲以其服哭之又大功廢
誦矧可銜哀執筆預知文字之役乎敢稽顙辭踰

梅村集三十一

墓誌銘

月方伯佟公再以少宰之意來速銘則又綮歔流
涕曰孤子交於梁氏父子者二十年先大夫所具
聞也梁氏方貴盛知交故吏滿天下少宰不以假
名公卿手顧重趼三千里固以屬余其謂篤老故
人知公之生平爲悉也敢終用服爲解乎乃反袂
拭面刪取其辭而銘焉按狀公諱維樞字慎可別
號西韓生真定人其先徙自蔚州七世至太宰貞
敏公始大貞敏第四子封中書澹明公諱志以元
配吳夫人生公公生而瓌異貞敏奇愛之旣長負

志節讀書不屑俗儒章句澹明公仰就家塾塾師
避席謝非所能誨且曰是其文殊類夢白夢白者
高邑趙忠毅公隆萬中所推真定兩太宰也時以
小選家居講道指授生徒公執經往侍遂爲入室
弟子每著書必命校讐丹黃接席得所詠韓河諸
什撫卷嘆曰風雅不墜復見之梁生矣其愛重如
此學成至京師及應城楊忠烈之門楊一見嗟異
曰高邑誠知人乙卯京闈旣雋諷誦自如竿接賀
者趙公聞而嘉之曰此吾所以取慎可也天啓初

梅村集三十一

墓誌銘

趙公枋用公以貞敏褒終之典未備上書闕下因
趙公以徧贊賓客表章先烈討求國是愍綸下而
公之聲名爛焉逆奄起詔獄目趙楊爲黨魁首被
禍趙白首會逮公傾身瞻護唯謹趙公得減死出
語人曰若慎可者斯可謂之義故矣楊銀鑄膠致
道出恒州公策蹇往迓大言檻車之旁曰公此行
足以垂名竹帛死者公之本志豈足畏哉楊舉手
曰知子此來不徒師資之情昔人有言九死不悔
此吾心也於時邏卒獨立人皆以耳目非是盍不

爲門戶計公不顧累下春官第臺使者疏其才京
朝官以詔書保舉久之用吏部銓考授內閣撰文
中書舍人公大臣子孫生長畿輔朝章國故耳濡
目染機密之地演繪畫勅胥倚辦於公上命草詔
諭督師漏下二十刻中使闕殿門以待傳呼迫趣
援毫立就官省爲之嗟伏應詔陳便宜多所指切
進循良城守二書願頒諸選人爲掾令章下所司
踰年晉尚寶司丞副掌典籍事先是典籍一官非
復祖宗舊制官資由他塗雜進久者子弟枝附盤

梅村集三十二

墓誌銘

互於其中當國者與外廷忤疑爲煽動坐以漏泄
省中語言之上杖殺之而改用公等一二正流
自乙科特重其選公屏交游避名勢雖爲當途引
用公務外弗肯與通迺同事者班在公右沾沾喜
自詡相君之私人交關請謁向時得罪者親黨側
目思報蜚語上聞中外皆知公薰蕕不相緣染而
論者以官聯接跡譎語及之誣旣白猶用其文罷
公士論怫鬱未浹月起家擢任工部主事從尚書
吳橋范文貞公請也范公憂神京孤注增樓櫓屹

戎器公襄其勞無何廟社淪胥嬰城被執誓以必死

皇清定鼎卽舊官錄用奔澹明公喪歸而孝養吳夫人者八年用疏薦復出補營繕郎管理三山掌灰物之徵令以共邦用匠人之取厲礮冶氏之給薪蒸轉移執事之車牛僦費公壹其數量課以員程丞徒稱平乾清宮告成得文綺名馬之賜陞山東按察司僉事整飭武德兵備武德多鳴弊暴客豪大姓爲之窟穴莫能擒治公簡練營兵署其驍雄爲右職責以討捕收府姦者置之法縛巨猾送都市戮之境內以清視事一年絕苞苴恤徭役督河漕之卒而牽輓時申逋逃之條而株送免惠政流聞會入賀遂乞養後五年而卒於家享年七十有四學者私謚爲文孝先生稱本志序篤行也公於書酷嗜歐陽率更得其楷法

世祖皇帝知其能命書數紙以進 天語褒嘉傳

爲盛事所著玉劍尊聞及性譜日牋內閣小識羣玉直譽等集數百卷公之在典籍嘗請下獻書之

令以備典章缺失事不克就至今金銷石泐之餘
考鉤黨之始終辨政本之功罪非公紀錄孰可援
據哉公生於丁亥年八月之二十九日卒於壬寅
年十月之六日元配王氏繼王氏再繼杜氏少宰
貴於典得加恩二母元配王贈恭人而杜馳封亦
如之有六子長少宰也次清泰諸生次清傳武進
士候補鑾儀衛次清尚清芳清烈與兄清泰皆早
卒孫男七人允樸胄監允栢允梅皆諸生允榛允
梧皆清遠出允杰諸生允構皆清傳出孫女五人

梅村集三十三

墓誌銘
五

曾孫男五人頤光卿光憲光蔭光誥光皆允樸出
曾孫女三人少宰以某月日葬公於真定某鄉之
某原禮也余與公定交於先朝比去京師十五年
宿素已盡唯公迎閣握手高譚盡日余疲繭不任
趨拜而公善飲噉據鞍躍馬能勤於其官當是時
公之諸子鳴騶夾道人或愛公勸其少自暇逸輒
笑弗應間爲余言年少時射雉野兔於茂山之下
韓河之濱極望平蕪登高長嘯慕袁絲鄭莊之爲
人又先業在雕橋莊有古柏四十圍趙忠毅嘗過

而憩焉歲月不居身名晚晚每摩挲其下彷徨嘆
息不能去余因察公志氣魁岸沉塞類古勞人節
士之風年雖遲暮宿心未摧每思出其所長自効
於當世非苟以家門貴盛樗散自全者也彼愛公
者烏足以知公心哉余投老荒江六年衰病坎壈
倍於疇昔公家英嗣皆以公故辱知余余得棲遲
閭里苟視先人之飯舍者夫猶公賜也嗚呼其可
無銘銘曰

漢有平原觸忤宦豎急難相勉不憂不懼偉哉裴

梅村集三十三

六 墓 銘

生爲前孝廉徒步往送嶠澗之間侃侃梁公媲美
前烈執義名賢古人之節嬰也存趙融乎訟楊同
垂信史北州之良伯鸞五噫叔敬七序作爲文章
掌帝之制益耳有後河西以封一門萬石四世五
公烈士暮年壯心伏櫪毋以老耄敢自服佚恒山
奕奕滹沱洋洋敦丘宰木赤壤黃腸我銘幽宮以
報死友陵遷谷移斯言不朽

左諭德濟寧楊公墓誌銘

故奉訓大夫左春坊左諭德兼翰林院侍講濟寧楊公以避地卒於毘陵東南二十里戚墅堰之方坐村其孤通睿奉其喪歸葬以狀來言曰先君之沒也遺命就葬江南而請子一言以銘其藏今諸孤奉母北還將卜諸先大叅之兆而不得子一言是再違先君意也子受而哭之曰子何忍銘吾友哉按狀公諱士聰字朝徹別號鳧岫中辛未進士選庶吉士癸酉授翰林院簡討甲戌奉命冊封趙

梅村集三十一

墓誌銘七

王王以疾請無拜公正色裁之卒如禮丁母會試同考得春秋士二十三人明年皇太子出閣講學充較書官以職事糾中書黃應恩失當事意尋以經筵講官召對面論考選得失疏劾吏部尚書圍唯嘉及其鄉人太僕卿史堇所爲諸不法上用其語唯嘉黜免堇逮問未幾田史之黨復振公病請回籍辛巳史堇死獄中詔籍其家應恩竊已他事論死乃思公言爲可用壬午召見擢右春坊中允副考北闈得士百七十有一人癸未題補日講陞

左諭德管誥勅脩大明會典中申得旨宣慰襄藩
賫手勅諭左鎮入援會通州相出治軍請以公收
山東義勇未及行寇陷京師公投愛女於井趣孔
夫人與妾陽氏祝氏縊已則仰藥自殺爲防守者
覺水灌之大吐復活孔懸絕甦二妾與女死焉得
聞棄家南奔督輔請爲監軍護諸鎮帥不果過江
避兵武塘旣而轉徙於丹陽金沙終歸毘陵鬱鬱
不得志以死初予同館兄弟二十四人而豫章楊
機部山右王二彌公與予四人者立朝相終始機

梅村集三十二

墓誌銘

部最伉直予與二彌好持論公謹質凝重大節
其以職事糾黃應恩也應恩者小人歷事久關通
中外舊制詞臣於殿閣大學士爲同官而中書特
從史卽積資至九卿不得鈞禮淄川相以外臣入
廢掌故而應恩挾中官重示籠絡又助爲調旨以
此得相張心益驕無舊節公與語不合立具奏又
移書淄川責數之而僉人盡目憚公矣田唯嘉者
以吏侍郎取中旨進於相張爲師生而史莖特虎
而驚父喪家居願指諸大吏爲威福天下莫敢言

公於便殿白發其端退而上書條疏賊孽章十數
上當是時 先皇帝欲公盡言故下嚴旨屢詰辨
苟一語參驗失實且收坐而公所彈奏又皆閣部
大臣方任用領事其黨以聲勢權利相倚行金錢
數十萬金吾大瑞爲耳目日夜思有以中公而公
以一書生孤特寡助結怨要近危禍難測朝士自
一二人外莫敢過其門大會廷中無有立而與之
言者迺益慷慨發舒盡列其詆欺狀以進終使邪
黨莫得稽梧顛倒錯愕咋舌喪氣自實而後止此

梅村集三十一

墓誌銘
九

固公質直忠孝上感 主知而 先皇帝之明不
可及也已公之奔走漂泊憤懣發病病革而大呼
先帝召對者三凡以感舊恩而必報之死也嗟
乎當 先帝親儒重學而同官三四人奉詔輔導
太子其遭遇之隆可不謂盛歟逮乎天地裂交游
盡二彌前以病亡機部嬰城不屈而死唯公與子
得相見於流離之中而復沒於窮村喪櫬未還妻
子不立屈指二十四人零落亦無幾矣嗚呼可不
嘆哉公始祖諱林元季自北地遷濟林生惠惠生

景高景高生鬱鬱生贈中大夫震震生贈中大夫
思仁皆以大叅崑源公洵貴贈如其官崑源公卽
公父也崑源公初娶周淑人蚤卒繼娶聶淑人生
公公以甲子舉于鄉丁卯而大叅公沒聶淑人亦
亡不及見公成進士公每言及未嘗不涕泣也公
初娶贈孺人黃氏繼娶封孺人孔氏實聖裔妾陽
氏宛平人祝氏江都人以殉難故其葬也必以耐
禮也男五人長通睿諸生黃出次通俊通久俱諸
生次通倣孔出次通佺妾經氏出女一孫一璜通

梅村集三十三

墓誌銘

睿出孫女四人公詩文雅練章奏尤警覈所著靜
遠堂稿玉堂薈記戊寅紀事甲申核真略凡數千
卷生于丁酉七月十四日卒于戊子七月十一日
享年五十有二其卒也通佺甫二歲公命育之江
南且指以托通睿曰青山埋骨何必故土待此子
成立以守吾墓今盡室北歸通睿必能奉經氏母
撫幼弟以無忘父命嗚呼公雖卽安先隴而臨沒
遺言請以刻諸墓石以明公避地之志也爲之銘

曰

直矣而不罹其禍忠矣而不遂其名其必死而不
死也君父之德其不死而必死也臣子之心豈其
道之將行而命之不辰唯夫不有其家不有其身
以全吾貞用昭示乎後人

五封奉直大夫兵部武庫司主事葬金壇之聚惠
前者爲玄初公族人所推爲祠正者也公諱文端
字肅之玄初其別號也公年八十有五其以
六部主事終公之曰公諱廷實崇禎癸未
上其

梅村集三十三

墓誌銘

通堂稿王... 卒于戊子七月十一日
年五十有二其卒也通倫甫二歲公命育之江
南其指以托通倫曰吾山埋骨何必故土待此子
以全吾貞用昭示乎後人
通倫必能奉經天
道之深計而命之不辰唯夫不有其家不有其身
張也君父之德其不死而必死也臣子之心豈其
直矣而不罹其禍忠矣而不遂其名其必死而不

鴻臚寺序班封兵部武庫司主事丹陽荆公

墓誌銘

丹陽之北七十里爲黃塘村有荆氏祠堂子孫累
千人喪葬祭享必合其族於祠下有以鴻臚寺序
班封奉直大夫兵部武庫司主事葬金壇之麥穗
街者爲玄初公族人所推爲祠正者也公諱文端
字肅之玄初其別號卒之歲得年八十有五其以
兵部主事封公者曰吾友實君諱廷實崇禎癸未
進士其先漢荆王賈也以國爲姓元末祥十公徙

梅村集三十一

墓誌銘
十一

居瑯塘村始爲丹陽人累傳而水南居士諱輅以
次子考功郎光裕貴封如其官丹陽之荆始大福
建漳州府幕省吾公諱光祚水南長子於考功爲
兄則公父也公繇諸生入太學授官鴻臚輒去職
家居以孝悌聞先人資產推其上腴以與仲叔二
弟仲蚤亡子幼公成就之訖於舉進士而實君先
是辛酉捷省闈以經義知名當是時金沙婁東負
天下望實君最蚤達爲共起者所推重海內之士
羸糧徒步以趨金沙門巷常滿其爲實君所容接

者見公無不拜公顧勿色喜曰吾家自水南公以
來皆用退素爲業爾以經生驟致虛譽若此可不
戒哉已而實君棲遲累上顧視同輩及後舉者皆
食祿得顯官親老矣公迺慰之曰若以名德重天
下於我足矣豈藉一第娛老人耶其雅趣如此公
爲人彊力任事醇謹篤誠性方嚴寡言笑不妄交
與好面折人之過其中寬然長者也輕財好施見
孤嫠窮餓者傾囊橐毀質劑無幾微德色其爲祠
正也每春秋時享庖俎豆省牲牽具薪蒸胝滌濯

梅村集三十二

墓誌銘
十二

率羣從子姓執籩裸獻不以年至爲讓不以寒暑
爲解祀畢手料簡酒肉序列長幼飲三行顧視同
坐諸老人曰吾族大子弟數犯法不可以無教令
乃書二簿明徵其善否召不率教者前責之曰某
年月日以某事應撻罰雖甚頑梗若撻于市無所
容退而相戒莫敢犯恐使我公知也一郡之人咸
稱其宗法公以己丑三月十八日卒卽以是年十
一月十七日偕王宜人合葬宜人王恭簡公之孫
涉縣令栗菴公之女有家教年七十有五戊寅七

月之三日卒生四子長廷獻仲廷聘兵部主事實
君爲叔子而廷璧其季也女一諸孫十人丙戌舉
人名子周者廷璧出於是實君以其狀來乞銘婁
東吳偉業曰宗法之不行於天下久矣自大夫不
立家廟世族弗設宗老而長幼無所習賢不肖無
所勸兵興以來譜牒散失數傳之後將視其祖父
不知誰何之人此可爲歎息者也余與實君交二
十年其間友朋摧折殆盡或親從凋落或家門陷
破獨於荆氏名高而德違其禍仕晚而祿逮其親
處於邑危民亂搶攘流離之中而能使門戶晏然
名位通顯守先人之祠以教養子孫其祖宗之積
厚使然歟抑宗法之善足以致之歟君子謂玄初
公之處已也惠而勤其教人也肅而寬其事先也
敬而有禮是不可無銘爲之辭曰

公生己丑 世宗代日月七紀天地壞 先朝逸

老古遺愛宜人辰當甲子再又十有五祿不待四

子十孫福大來叶 俊倬修傳建遠邁夔臯及周後

未艾龜食其吉筮無害後五千年銘石在

嘉議大夫按察司使江公墓誌銘

按察司使江公病且革執余手流涕曰吾死不可不速葬吾墓有寢室將於此終焉所以窆窆之易也言已哽咽哭哭已復誦諉如前余爲失聲長慟其明日公果輿疾載柩而行越十有一日卒先是公葬其原配張宜人遂自草生壙誌略於是其子德祉孫紹賢以庚寅六月十五日葬公八里橋之新阡迺卽公誌略來乞銘余泣曰公未死而欲見余文旣病而托予以死也其何忍辭爲序而銘焉

梅村集三十一

墓誌銘
十五

序曰江氏家世無爲軍始祖聚從 高皇帝起兵以功授昭信校尉世襲浙江衛所百戶聚子亮陞千戶改太倉衛進指揮僉事亮生懷遠將軍宣宣生指揮同知英英生二子長都襲世爵次山則公王大父也山生復亭公天然始用文學顯復亭子五人長御史亨泉公有源而見泉公有功爲第三子見泉子亦五人仲卽公也見泉以孝廉通判寶慶府陞雲南彌勒州知州謝病歸公始以乙卯舉春秋第五人壬戌成進士選授刑部主事陞員外

改調兵部車駕司進郎中以忤瑞削奪 先皇帝
卽位起原官擢肅州副使丁外艱服除補廣東嶺
西道加叅政再遷江西按察司使因署驛傳事以
微文被譴歸公之族出及闕官次第得於自敘者
如此公成進士叔弟紳寰公昌世甲子舉于鄉見
泉公年八十公兄弟五人日擊鮮奏酒諸孫奉鞠
鞠歷上壽里人榮之其任嶺南也紳寰謁選亦得
廣州一官公兄弟老矣相愛也仕宦得相依里人
又以爲榮此公之孝弟也其忤瑞削奪也族弟雍
世者游長安與里人某某作歌詩刺瑞事發駢斬
雍世獨亡命得脫邏者大索踪跡且及公禍不測
公正色無恐卒以免 先皇帝初詔用摧折諸臣
起家輒致津要公僅循舊牒需次一載乃得備兵
肅州肅州爲西涼絕域人馬踰隴者道上絕水草
且十日公以滯郎召用棄擲萬里外於人情不能
無少望公處之晏如在嶺南日沿海賈舶關入貨
物爲奸利長吏坐而操其息以爲常公所轄非汎
口以颶作漂大艦數百稅之可得十餘萬緡公禁

止勿上岸曰庸知非洋寇耶此公之居身服官也
公與給諫荆巖許公爲同年相得歡甚里中人所
稱江許者也從江右歸給諫已前歿矣余兄魯岡
初爲孝廉公常奉 詔以三品官得舉所知疏其
名入薦後魯岡成進士稱廉能世以公爲知人始
余年七歲讀書公家塾識公公卽是年領鄉薦後
三十年家居公折輩行與余及魯岡游當是時同
里中如予兄弟最稱蹇落矣公於他雖甚薰赫未
嘗少降意此公之居鄉與交友也公五十外便絕

梅村集三十二

墓誌銘
十七

房室間好蒲博諸戲里居十餘年起第舍斥園圃
窮日并夜唯恐弗及每一屋成張樂置酒無何牕
櫺欄楣移就別築浸尋撤瓦椽從之矣公於子弟
不欲有所付託橐中裝多爲僮奴竊去晚歲常若
貧顧搜牢廢篋經營如故人或勸止之笑勿應夫
人生謀百年菟裘常爲算久遠避凶忌公自以旦
暮入地手自料簡下里諸物可謂達生知命矣生
平嗜好聊用遣放嗟乎其有不自得于中者耶公
諱用世字仲行別號鼎寰生於萬曆癸酉九月二

十六日卒於順治庚寅六月初四日年七十有八
原配張宜人生於萬曆丙子二月二十日卒於崇
禎乙亥四月三十日年六十子二長德禎蚤歿次
德祉國子生孫男四紹賢府庠生德禎出紹祖紹
貴紹顯俱德祉出初公以己丑八月先葬張宜人
側室李氏祔焉及公之葬也去歿之日僅及旬耳
公羊傳曰不及時而日渴葬也不及時而不日慢葬
也過時而日隱之也過時而不日謂之不能葬也
當時而不日正也當時而日危不得葬也禮大夫

梅村集三十二

墓誌銘
十八

三月而葬同位至公其當時者歟不及時者歟子
見六七年來士大夫不告喪不會葬兵革殺禮危
不得葬者有之矣其子孫或以卜兆請具喪三年
矣葬矣乎未可知也夫過時而不日則固已葬矣
春秋猶謂之不能葬况過時而不葬者耶公之預
作終制氣絕便歛歛訖便葬子孫遵而行之哭泣
盡哀送車數十乘渴葬而得其正可不謂之禮歟
吾故謹而日之也銘曰吁嗟江公居此室筮言協

謀龜食墨後五千年視銘石

封徵仕郎翰林院簡討端陽孫公暨鄒孺人
合葬墓誌銘

余所知先達如毘陵尚書孫文介公以理學爲名
臣偉業初以後進禮請見會公病薨不果恨當吾
世失之庶幾得公之子弟及門與聞公之道者傳
其緒言餘論則猶之乎見公也乃今操筆而銘我
端陽先生端陽文介弟之子今簡討衣月館丈之
父也孫氏家世臨濠明初有都督同知繼達者以
賜第常州遂爲其郡人稱始祖五傳而爲山西行

梅村集三十二

墓誌銘
十九

太僕卿鑾與從叔益同舉正德辛巳進士太僕生
洲洲生臬再世贈禮部尚書臬生文介諱慎行爲
乙未進士第三人以禮尚書事光熹兩朝爭李可
灼紅丸索引春秋斷獄罹瑞禍幾不免端皇帝召
至京將用以相遇疾薨其事具國史有弟曰北愚
公諱慎思由明經授藍山令生三子端陽先生其
季也初藍山教授里中與鄒擴菴孝廉爲執友孝
廉之子憲副澗寬公少從藍山受經旣貴而兩家
通婚姻當萬曆之季毘陵世家推孫氏鄒氏憲副

用文章政術顯而端陽實爲之壻以此游叔父外
父間修學行號知名孫氏自太僕以清白起家子
孫彥復中落文介篤友愛其刻廉類貧諸生端陽
雖宦家子鄒孺人于歸乃至不能謀一椽就文介
別業以居攻苦食淡恥以干謁進年三十始補博
士弟子員家貧乏絕間出未歸鄒孺人不肯從親
戚假貸炊烟中斷者久之先生還喜而嘆曰真吾
婦也文介家居講學先生蚤有聞於止躬慎獨之
訓其所辨曰義利所重曰盡倫文介以盡倫爲止

梅村集三十一

墓誌銘

至善嘗著困思抄一書其首章曰文王以仁孝敬
慈信爲能止故曰聖人人倫之至倫盡則道盡斯
以謂之實學先生服膺弗敢忘晚年郡太守會諸
生論經義於傳是書院先生拱而言曰學以明倫
爲本不則從事口耳與高談性命非俗學卽僞學
也坐者皆爲聳聽嗚呼文介之爭紅丸也深有感
於兩宮慈孝無間而在朝窺菹枯分水火以致不
能調護起居可謂不敬故援經義以垂戒人臣其
說本乎正心誠意要諸盡倫而止豈有一毫是非

輕重於其間哉先生於三十年之後重爲舉揚大指良以見先臣居官立朝爲君父持論者在此其平日修身力行爲子弟誦說者亦在此然後文介一念篤誠不與黨論異同者始明白於天下後之讀三案者知國是不知有家學非先生之言莫得而徵也可弗識歟先生少失父事蔣孺人以孝聞自傷孤露非科第不足娛侍寡母乃益鏃礪於所業五子俾各通一經講論逾夜分乃罷數奇不得志於有司衣月貴後猶兩應省闈試治經生言不

梅村集三十一

墓誌銘
二十一

少衰旣 覃恩受勲封益小心謹畏取文介公之學躬行實踐之於義利之辨守之甚嚴一意絕交游造請臺使者行式廬禮謝弗見撫伯兄兩孫如已出教養之俾皆有成就族人之婚喪不能舉者傾囊橐以行賙救或其人非義干犯者弗與校也性和易莊敬夙興夜寐終其身不見有惰容修太僕公遺宅以仰崇堂構於舍後闢一圃顏其堂曰寧遠取語錄大義題諸牆壁曰吾以觀心養性焉善奕棋然亦非所好惟酷嗜行楷書能得文介

筆法嘗少抄陰符道德經指其中曰此與中庸之
論未發者合有異泉澆湧於圃中作亭其上題曰
丹泉自爲文記之笑曰人以我爲好道徵不知此
吾儒仁知動靜所發端也其篤志醇正始終不貳
若此鄒孺人知詩書嫻內訓婉嫵能得其姑心蔣
孺人臨革惓惓於賢且孝躬操作佐烝嘗儉素樽
節之操雖貴弗改其遇親舊也以恩其教子女及
諸婦也以禮其戒飭儉從也以法凡助先生成德
者功居多中年憂勞子女頗善病晚境漸康適矣

梅村集三十二

墓誌銘
二十二

然每聞衣月辦嚴入都也疾復作其歸也良已以
此衣月不樂居京師同輩及門下士多至顯官而
衣月久之不調凡皆以親故也先生諱餘字季楫
端陽其別號卒於丁未正月十三日距其生庚子
也年六十有九端陽者著所生日也孺人同年生
先一年卒子五長自式丁亥進士以其官封先生
爲徵仕郎翰林院簡討而母孺人暨妻潘氏并受
封卽衣月也潘歿繼室以高氏次自儀其受婚母
氏之女兄也自咸娶於瞿自晟娶於陳自箴娶於

吳仲叔以貢需次選而二季諸生女七所適多名族諸子各有子自冢適諸生賢以下共十有六其可名者四曰賢曰繩曰振曰謀餘未名也孫女十有三其行者二餘許字未行也曾孫男一殤衣月將以庚戌正月之九日舉襄事於龍蕩之新阡而因吾友鄒訐士來請銘訐士憲副之孫孺人則其始也故請之尤力余論次孫氏因以追維疇昔當文介公之被召也余奉謁於彰義門之邸舍旣辭以疾其沒也則從而哭之越十六年再至京師則

梅村集三十一

墓誌銘
二十三

知同官中有衣月爲文介子孫一見相勞苦衣月時請外不許又請急余知其爲親故耳語之曰余實有老親乃不得已於此君固宜其官者也且兩尊人歲方壯卽不得請庸何憂衣月喟然曰先文介以盡倫之道教吾父吾父以之教諸子自式之忝此官也戒以書曰若惟弗墜忠孝以從祖及外王父爲之師吾父之所期自式者固不在乎一官也今吾母善病而不去吾豈能以官易吾親哉余曰善爲流涕而起嗟乎日月云邁霜露不居吾兩

人之蒙恩歸里者先後十有餘年而罔極之痛亦同致恨於終天矣微訃士之言予淚且潸然承映而銘又烏可以已乎乃刪取其狀而繫之以詞曰
宋有胡公文定儒宗猶子與子籍溪五峰我思先正毘陵忠孝有姪傳家克已守道厥維初生夢彼赤雲再世而昌協於祥徵有洸者泉取之以祭貽爾子孫源遠弗替尚書阡左太僕塋東一丘巋然馬鬣新封我刻茲銘其辭昭灼庶幾後生紹修家

學

梅村集三十二

墓誌銘
二十四

學

梅村集三十二

墓誌銘
二十四

見和勢善衣月

異巖薛桂非枝滋從其綱銀快無幾翁去溪翁家
爾平系飄飄而替尚書阡左太僕塋東一丘巋然
養雲再世而昌協於祥徵有洸者泉取之以祭貽
五里刻忠孝有姪傳家克已守道厥維初生夢彼
宋有胡公文定儒宗猶子與子籍溪五峰我思先
而銘又烏可以已乎乃刪取其狀而繫之以詞曰
同姓則姓孫天矣淵信士之言予淚且潸然承映
人之蒙恩歸里者先後十有餘年而罔極之痛亦

中憲大夫太僕寺少卿泰掖徐公暨李恭人
合葬墓誌銘

故太僕寺少卿徐公諱憲卿字九亮別號泰掖婁之沙溪里人也曾祖諱文炯祖諱經父爲敬思公諱可久嗣父爲少恒公諱可大同累贈中憲大夫如公官敬思生三子長諱榮次卽公也公少受書於伯兄榮經義文旨皆出指授其訓公也如子公事之也如父榮材高有聲諸生間已困躓不遇而公宦達爲名卿經紀其兄家有無必共視其子如

梅村集三十二

墓誌銘
二十五

已出故里中稱孝謹者推徐氏公以已酉舉於鄉癸丑成進士丁嗣父憂丙辰起家授行人司行人冊封秦益二藩奉 光廟登極詔往山右凡三使皆稱職庚申選授南京工科給事中掌計典尋管京營軍務丁卯添註南京光祿寺少卿三載考績始遷南京太僕寺少卿駐滁州視江南北馬政又五年致仕歸久之以病卒年八十有二公爲人醇正忠厚稚少文所居官好推薦天下賢者其持論能依名節仕宦二十年常居不競之地同列皆尊

用過之在人情不無少望公處之泊如也以是履險而不嬰其難處鋌而不屈其名富厚寵榮而傳述於士君子之口以吾耳目所見如公者蓋未一二數焉其以工給事在南也逆璫初用事而三案議起公疏論紅丸以李可灼侍疾不謹無論其巨測有不軌心方士冀幸富貴擅進金石藥嘗試至尊按 祖宗朝法論死無赦再奏內批詔獄二款非所以示天下公宜還內閣下廷尉語甚切而朝議僉同一疏則直斥忠賢且罪狀客氏及所用要

人是時朝右尚未敢頌言攻奄者公首先擿發遏其機牙奸黨皆側目焉主紅丸者宗伯毘陵孫公爲用事者所齟齬乃據撫同議合三案爲成書公疏在要典中排擊且日至又爲蜚語造黨錄詭託稗官小說者家首福唐葉公高邑趙公百二十餘人公與焉其先後公上封事及名在籍中者率檻車膠致都船之獄滿刺劄榜笞數千旁引株逮遍天下或爲恫喝怵公者曰收至矣盍一聽我爲諛疏頌德者禍且解公曰我可始直而終佞邪不爲

動嗟乎公疏璫罪時特以爲當官而諍職耳其後赤車奔馳深竟黨與卽素號婞直者惴惴無人色公長者疑恆撓迺坐曹廊中治文書自如惟遣妻子歸曰行矣無同禍留一童子守邸舍日飲酒襍被待急徵人以是服公大度能慎所守也璫旣敗公迺得累遷官於滁有城守功又久不調引告得請論者惜之以公老成遺直未嘗位交戟之內備顧問爲近臣當白發奄奸忠憤激切其不與楊左諸公同填牢戶者特毫髮聞耳及召用摧抑諸賢

卽徒中致位兩府至貴重矣而公猶沿舊牒常調予散署一卿復以空文佐阿政滁州大好山水用優名賢誠有餘顧視曹輩咸拜公孤而白首仕宦不獲一入長安城又輒罷去然公亦浸病不復關世事矣公患風痺數年治良已巳甲申乙酉間疾遂甚不起嘗對子弟道上恩泫然流涕曰吾南中時自分死逆奄手迺得歸骨鄉里復上先人丘壠者織毫皆先帝力也行年八十旦暮入地顧不先驅螻蟻重見此等事哉噫亦可哀矣公配李恭

人事始以孝御下以仁公廢居轉物累積纖微恭人佐之所贏得過當而教諸子醇謹無與比損車騎減服飾謝遣交游馴行孝友聞乎郡國惟公生平用功名始終而世其篤行垂示子孫故遠近皆傳其家法公有三子長二階繇明經除永福縣知縣娶於呂再娶於吳次三智增例生娶於黃恭人出次舒邑庠生娶於周側室孫氏出孫八二階出者五長景耀次昇耀次晨耀俱庠生次星耀次最耀三智出者三長耀琿庠生次耀珂耀璣舒出者

梅村集三十二

墓誌銘
二十八

一震耀恭人以崇禎甲申五月二十五日卒後四年爲順治戊子閏四月一日而公沒公之子以某年月日奉公與恭人喪合葬於左字圩之新阡爲之銘曰

貴勿極官九卿譽勿溢稱黨人拙近道介近情非矯訐非浮沉佚以病勞以生壽不辱富不盈昭令德永永存

